



Ajuntament de Vielha e Mijaran

CONVÈNI DE COLLABORACION ENTRE ASSOCIACION DE DONANTS DE SANG DERA VAL D'ARAN E ER AJUNTAMENT DE VIELHA E MIJARAN

Vielha, 29 de març de 2016

AMASSADI

D'ua part er Illustre Alcalde Sr. Juan Antonio Serrano Iglesias, Alcalde der Ajuntament de Vielha e Mijaran, assistit pera Secretària dera Corporacion.

Der auta era Sra. Luisa Estévez Sans coma Presidenta dera Associacion de Donants de Sang dera Val d'Aran, damb domicili en carrèr Espitau num. 5 de Vielha, e damb Cif G25552688.

En tot reconéisher-se reciprocaments era representacion damb era qu'es compareishents actuen e era capacitat legau sufisenta entà soscríuer eth present document.

MANIFÈSTEN

1èr.- Qu'existís en Vielha era Associacion de Donants de Sang dera Val d'Aran, legaument constituïda, plaçada ena localitat de Vielha, en carrèr Espitau numerò. 5.

Era Associacion de Donants de Sang dera Val d'Aran a coma objectiu promòir era donacion de sang entre es ciutadans d'Aran mejançant es campanhes annaus, entà collaborar damb eth Banc de Sang i Teixits (BST).

2au.- Qu'ei voluntat der Ajuntament de Vielha e Mijaran balhar supòrt economic as activitats que pendent er an realize era Associacion.

3au.- Er Ajuntament de Vielha e Mijaran à en vigor era Ordenança Municipau reguladora de subvencions aprovada peth Plen de data 22 de deseme de 2005 e modificada per Acòrd deth Plen deth dia 26 de seteme de 2007 e per Acòrd deth Plen deth 22 de seteme de 2014.

Aguesta Ordenança establís en sòn article 10 qu'es subvencions poderàn autrejarse dirèctament en quauquì cas, entre es quaus se trapen aqueri enes que s'acrediten arrasons d'interès public e social.

4au.- Era Ordenança Municipau tanben establís que normaument er autrejament dirècte se formalizarà en un convèni.

Peth tot çò, convien eth present convèni e ar efècte establissen es següenti:

PACTES

PRUMÈR.- Qu'er objècte deth present convèni ei era collaboracion entre er Ajuntament de Vielha e Mijaran e era Associacion de Donants de Sang dera Val d'Aran, entà balhar supòrt economic entàs tres Campanhes de donacion de sang qu'era Associacion a organitzat pendent er an 2016.



Ajuntament de Vielha e Mijaran


DUSAU.- Qu'en marc d'aguesta collaboracion er Ajuntament de Vielha e Mijaran collaborarà damb aguesta fondacion damb ua subvencion per un impòrt de 600€, a cargue deth pressupòst der an 2016, partida 2016-1-23100-48008-01.

TRESAU.- Era Associacion de Donants de Sang dera Val d'Aran justificarà ar Ajuntament de Vielha e Mijaran eth destin dera subvencion, e aurà de presentar es factures e es rebuts des pagaments corresponenti, s'aurà de dar compliment a çò mercat en article 8 dera citada ordenança municipau.


QUATAU.- En toti es impresi e òpuscles que s'editen damb referéncia ad aguesta activitat se harà constar ar Ajuntament de Vielha e Mijaran coma collaborador.

CINCAU.- Eth present convèni aurà ua vigéncia d'un an, e totes dues parts poderàn acordar pendent era vigéncia deth convèni era sua prorroga entà futures annauetats.

E en pròva de conformitat, ambdues parts signen eth present convèni per duplicat e sonque a un efècte, e en lòc e data nomentadi.




**JUAN ANTONIO SERRANO
IGLESIAS**
Alcalde de Vielha e Mijaran



LUISA ESTÉVEZ SANS
Associacion de Donants de Sang
dera Val d'Aran

Ath deuant mèn



PILAR HERVADA VIDAL
Secretària der Ajuntament